



## **KENYATAAN MEDIA**

### **JABATAN KESELAMATAN DAN KESIHATAN PEKERJAAN (KEMENTERIAN SUMBER MANUSIA)**

#### **KES KEMALANGAN TAPAK PEMBINAAN DI KL ECOCITY JALAN BANGSAR, KUALA LUMPUR**

Kuala Lumpur, 1 Disember – Satu kemalangan jejambat pejalan kaki dalam pembinaan yang menghubungkan KL Ecocity dan The Garden runtuh pada lebih kurang jam 3.20 petang tadi. Ketika kejadian, para pekerja sedang menjalankan kerja memasang siling dan besi cermin dan struktur berkenaan runtuh dan menyebabkan seorang mangsa warganegara Vietnam maut akibat terjatuh dari struktur berketinggian 15 meter dan beberapa orang mangsa lagi tercedera.

Jabatan Keselamatan dan Kesihatan Pekerjaan (JKKP) telah mengeluarkan notis pemberhentian kerja ke atas aktiviti pembinaan dan sedang menjalankan siasatan bagi mengenalpasti punca kejadian berlaku. Siasatan awal menunjukkan berlaku kemungkinan kegagalan kepada struktur jejambat pejalan kaki. JKKP akan merujuk kepada Lembaga Pembangunan Industri Pembinaan Malaysia (CIDB) dan Dewan Bandaraya Kuala Lumpur (DBKL) berkenaan isu kualiti bahan pembinaan atau masalah rekabentuk struktur berkenaan.

Jabatan Keselamatan dan Kesihatan Pekerjaan (JKKP) memandang serius setiap kemalangan yang berlaku terutamanya melibatkan kematian, sama ada pekerja mahupun orang awam. Tindakan perundangan akan diambil sekiranya didapati terdapat pelanggaran peraturan di bawah Akta Keselamatan dan Kesihatan Pekerjaan (1994) dan Akta Kilang dan Jentera (1967) ke atas pihak yang bertanggungjawab. Semua penggiat industri pembinaan digesa agar mempertingkatkan tahap keselamatan dan kesihatan pekerjaan bagi mengelakkan berlakunya kemalangan.

Tamat.

Tarikh siaran : 1 Disember 2016

Dikeluarkan oleh:

Ketua Pengarah,  
Jabatan Keselamatan dan Kesihatan Pekerjaan